



ს ა ქ ა რ თ ვ ე ლ ო
სამტრედიის მუნიციპალიტეტის საკრებულო
გ ა ნ კ ა რ გ უ ლ ე ბ ა



განკარგულება:გ-63. 63243595

თარიღი:24/12/2024

არასამეწარმეო (არაკომერციული) იურიდიული პირის, სამტრედიის მუნიციპალიტეტის N2 სამუსიკო სკოლის, 2025 წლის ხარჯის დამტკიცების შესახებ.

სამტრედიის მუნიციპალიტეტის საკრებულომ, საქართველოს ორგანული კანონის „ადგილობრივი თვითმმართველობის კოდექსი“ III თავის მე-16 მუხლისმე-2 პუნქტის „ტ“ ქვეპუნქტის და მე-3 პუნქტის, IV თავის 24-ე მუხლის მე-2 პუნქტის შესაბამისად განიხილა, „არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“, 2025 წლის ხარჯის, მათ შორის სამტატო განრიგისა და სახელფასო ფონდის დამტკიცების საკითხი და

გადაწყვიტა:

1. დამტკიცდეს არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“, 2025 წლის პროგრამა. (დანართი N1)
2. დამტკიცდეს არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“, 2025 წლის შემოსავლების გეგმა სუბსიდიის ჩათვლით (დანართი N2).
3. დამტკიცდეს არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“, 2025 წლის ხარჯი (დანართი N3).
4. დამტკიცდეს არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“, 2025 წლის სამტატო განრიგი და სახელფასო ფონდი (დანართი N4)
5. დამტკიცდეს არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“, 2025 წლის შრომითი ხელშეკრულებით დასაქმებულ პირთა სახელფასო ფონდი (დანართი N5).
6. დამტკიცდეს არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“ პედაგოგთა სახელფასო განაკვეთის გაანგარიშება (დანართი N6).

ა.(ა).ი.პ. სამტრედიის მუნიციპალიტეტის N2 სამუსიკო სკოლის პროგრამა

აღწერა. ა.(ა).ი.პ. სამტრედიის მუნიციპალიტეტის N2 სამუსიკო სკოლის პროგრამა გათვლილია დაწყებითი სამუსიკო განათლების სასწავლო გეგმაზე (სწავლის ხანგრძლივობა 6 წელი), იგი ემსახურება მოზარდთა მხატვრული აზროვნების, გემოვნებისა და წარმოსახვის უნარის ჩამოყალიბებას, რომელიც პიროვნებას საშუალებას აძლევს სრულფასოვნად ჩაერთოს საზოგადოებრივ ცხოვრებაში.

სამუსიკო განათლების პრინციპულად დადებითი მხარეა მისი უწყვეტობა. გარკვეულ დრომდე იგი ძირითადად პროფესიულ სამუსიკო განათლებაზე იყო ორიენტირებული. მოსწავლეების უმრავლესობისთვის ზოგჯერ შეუძლებელი იყო პროგრამების დაძლევა, რაც მუსიკასთან გაუცხოვებას იწვევდა, თუმცა არსებული პროგრამა ორიენტირებულია არა მხოლოდ პროფესიულ სამუსიკო განათლებაზე, არამედ მოზარდი თაობის ინტერესებისა და არჩევანის უფლების გათვალისწინებით. იგი მიღწევადია თითოეული მოსწავლისათვის სხვადასხვა ხარისხით, შესაძლებლობიდან გამომდინარე. პროგრამა ითვალისწინებს მოზარდი თაობის ინტერესებს, მისი არჩევანის უფლებას, მობილურობას და უფრო ეფექტურს ხდის მუსიკალურად განათლებული პიროვნების აღზრდაზე ორიენტირებულ სწავლების შედეგს.

2024-2025 სასწავლო წლის მდგომარეობით სკოლაში ირიცხება 130 მოსწავლე. აქედან 35 ვაჟი და 95 გოგონა. მათ შორის 7 მოსწავლე არის სოციალურად დაუცველი ოჯახებიდან. სკოლაში არ გვყავს შშმ მოსწავლე. სწავლის გადასახადი თვეში ერთ ბავშვზე შეადგენს 10 ლარს, საკუთარი სახსრებით ნაწილობრივ ფინანსდება ხელფასი, სუბსიდიით ფინანსდება ხელფასები და სხვა მიმდინარე ხარჯი.

სამუსიკო განათლების მიზანია ცოდნის მიცემა მუსიკის სფეროში, რაც ხელს შეუწყობს მოსწავლის განათლებულ, კულტურულ ადამიანად ჩამოყალიბებას, მუსიკის მსმენელის, შემსრულებელ-მოყვარულის აღზრდა, შემოქმედებითი საქმიანობისათვის აუცილებელი უნარ-ჩვევების გამომუშავება, განსაკუთრებული ნიჭით დაჯილდოებულ მოსწავლეთა გამოვლენა, ელემენტარული კომპლექსური ცოდნა მუსიკის შესახებ, გამომუშავოს პირველადი საშემსრულებლო უნარ-ჩვევები და აღზარდოს „მსმენელი“.

სამუსიკო განათლების მიზანია გენდერული ბალანსის დაცვა. საჭიროა მოხდეს მუსიკის მასობრიობა და პოპულარიზაცია, გაიზარდოს მუსიკის მოყვარული თაობა. მოსწავლეებს შეუქმნას შესაბამისი პირობები ინდივიდუალური მიდრეკილებისა და შემოქმედებითი განვითარებისთვის. გააცნოს და შეაყვაროს როგორც მშობლიური, ასევე მსოფლიო კულტურული მემკვიდრეობა, მუსიკალური ხელოვნების ნიმუშები, მუსიკის სფეროში მოსწავლეს მისცეს სრულფასოვანი, აკადემიური ბაზა. მიზანია მოსწავლეთა მასობრივი ჩართულობა და მათი მხარდაჭერა სხვადასხვა ღონისძიებებში, საჯარო გამოსვლებში.

აუცილებელია სკოლაში ასწავლიდეს მაღალი კვალიფიკაციის მქონე პედაგოგები, რადგანაც სწორედ მასწავლებელი უყრის საფუძველს ბავშვის სულიერ, მორალურ, მხატვრულ და ესთეტიკურ მხარეს. სწორედ მასწავლებელია ბავშვის მეგზური ხელოვნების სამყაროში. სკოლის მიზანია კონტიგენტის მოზიდვა და მისი შენარჩუნება.

დაწყებითი სამუსიკო განათლების ამოცანებია საკრავით ან ხმით ინდივიდუალური მუსიკის ჩვევების გამომუშავება. პროფესიული და ხალხური მუსიკის მაღალმხატვრული ნიმუშების გამოცნობა, მუსიკის მოსმენის უნარის და ჩვევების ჩამოყალიბება. მუსიკის შესახებ კომპლექსური ცოდნის მოწოდება. მონაწილეობის მიღება საჯარო გამოსვლებში. გათვალისწინებულია მოსწავლის ფიზიკური და ფსიქიკური შესაძლებლობები. მისი არჩევანის თავისუფლება და ინტერესები. სწავლებაში მოიაზრება არა ერთი კონკრეტული გზა, არამედ

მასწავლებლისა და მოსწავლის მიერ ერთობლივად შერჩეული ოპტიმალური ვარიანტის ძიება, რა ისწავლა მოსწავლემ, როგორ ისწავლა და როგორ შეუძლია ამ ცოდნის გამოყენება.

დაწყებითი სამუსიკო განათლების ამოცანაა მოსწავლეს შეუქმნას ჯანსაღი და გონივრული გარემო, რათა სრულიად ათვისებული იქნას თითოეული მოსწავლის შესაძლებლობები და პოტენციალი. აქტიურად ჩაერთონ სხვადასხვა აქტივობებში, საზოგადოებრივ ცხოვრებაში. გამოავლინოს განსაკუთრებული ნიჭით დაჯილდოვებული მოსწავლეები. აუცილებელია შეძენილი ცოდნის დაგროვებით, მოსწავლემ შეძლოს თავის საჯაროდ წარმოჩენა.

მოსალოდნელი შუალედური შედეგები

შეძენილი ცოდნის პრაქტიკული შესაძლებლობა და დემონსტრირება. მოსწავლის მზადება და წარმოჩენა შუალედურ გამოცდებზე, დახურულ კონცერტებზე, ღია გაკვეთილებზე.

მოსალოდნელი საბოლოო შედეგი

ძირითადი ტექნიკური უნარ-ჩვევების გამოყენებით შესწავლილის დამოუკიდებლად და წიგნიერად გადმოცემა.

მუსიკის პოპულარიზაციის მიზნით გამართული საანგარიშო კონცერტები, საჯარო გამოსვლები ინტერესების შესაბამისად შერჩეული პროგრამის ფარგლებში.

განსაკუთრებული მუსიკალური ნიჭით დაჯილდოვებულ მოსწავლეთა გამოვლენა და მიღწეული წარმატებები. ხელოვნების ღირებულებების აღქმა და შემოქმედებითი მიდგომა სხვადასხვა აქტივობების დროს. მოსწავლეთა კოლექტიური შემოქმედების ხარისხის გაუმჯობესება.

კონკურსში მონაწილეთა და უმაღლეს სამუსიკო სასწავლებლისათვის მომზადებულ მოზარდთა რაოდენობა.

დანართი N2

არასამეწარმეო (არაკომერციული) იურიდიული პირის, სამტრედიის მუნიციპალიტეტის N2 სამუსიკო სკოლის

2025 წლის შემოსავლების გეგმა (სუბსიდიის ჩათვლით)

(ათასი ლარი)

#	შემოსავლების დასახელება	თანხა
1	სუბსიდია ადგილობრივი ბიუჯეტიდან	109.60
2	საკუთარი შემოსავალი (სწავლის ქირა)	9.90
	სულ:	119.50

დანართი N3

არასამეწარმეო (არაკომერციული) იურიდიული პირის, სამტრედიის მუნიციპალიტეტის N2 სამუსიკო სკოლის 2025 წლის ხარჯები.

მკ. კლას. კოდი	ორგანიზაციის კოდი	სამტრედიის მუნიციპალიტეტი	2025წლის სულ ჯამი სუბსიდიის ადგილობრივი ბიუჯეტიდან და საკუთარი შემოსავლებიდან	2025 წლის ადგილობრივი ბიუჯეტის სუბსიდიით გასაწევი ხარჯები	2025წლის საკუთარი შემოსავლებით გასაწევი ხარჯები
		ა.(ა).ი.პ. სამტრედიის მუნიციპალიტეტის N2სამუსიკო სკოლა	119.50	109.60	9.90
2		ხარჯები	116.50	106.60	9.90
2.1		შრომის ანაზღაურება	98.30	88.40	9.90
+2.2		საქონელი და მომსახურება	18.20	18.20	0.00
31		არაფინანსური აქტივების ზრდა	3.00	3.00	0.00
31.1		ძირითადი აქტივები	3.00	3.00	0.00

დანართი N4

არასამეწარმეო (არაკომერციული) იურიდიული პირის „სამტრედიის მუნიციპალიტეტის N2 სამუსიკო სკოლის“

2025წლის საშტატო განრიგი (ლარი)

N	საშტატო ერთეულის დასახელება	საშტატო ერთეულის რაოდენობა	ხელფასის რაოდენობა ერთ თვეში	წლიური სუბსიდიით	წლიური საკუთარი შემოსავლით	სულ წლიური
1	დირექტორი	1	799	9588		9588
2	ბუღალტერი	1	726	8712		8712
3	მწე	1	321	3852		3852
4	საქმეთა მმართველი	1	321	3852		3852
5	პედაგოგი	14	6020	62340	9900	72240
	სულ:	18	8187	88344	9900	98244

არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“ შრომითი ხელშეკრულებით დასაქმებულ პირთა 2025 წლის სახელფასო განრიგის და სახელფასო ფონდის გაანგარიშება (ლარში)

N	თანამდებობის დასახელება	თანამშრომელთა რაოდენობა	ერთი თვის სახელფასო ფონდი	1წლის სახელფასო ფონდი
1	ინსტრუმენტის ამწყობი	1	264	3168
2	დამლაგებელი	1	249	2988
	სულ:	2	513	6156

არასამეწარმეო (არაკომერციული) იურიდიული პირის, „სამტრედიის მუნიციპალიტეტის N2 სამუსიკო სკოლის“ პედაგოგთა სახელფასო განაკვეთის გაანგარიშება (ლარი)

2025 წ.

	5 წლამდე		5-10 წლამდე		10 წლის ზემოთ	
	განაკვეთი	სთ.ღირებ.	განაკვეთი	სთ.ღირებ.	განაკვეთი	სთ.ღირებ.
საშუალო განათლება	253,42	14,08	259,18	14,40	267,14	14,84
სპეციალური საშუალო განათლება	279,92	15,55	287,00	15,95	294,07	16,34
ბაკალავრი	306,87	17,05	313,95	17,44	321,04	17,83
მაგისტრი	333,85	18,55	340,92	18,94	347,99	19,33
კანდიდატი, დოქტორი	369,46	20,53	380,77	21,15	431,96	24,00

7. განკარგულება ძალაში შევიდეს ხელმოწერისთანავე.

ვაჟა სტურუა

სამტრედიის მუნიციპალიტეტის საკრებულო-სამტრედიის მუნიციპალიტეტის საკრებულოს თავმჯდომარე (დროებით მოვალეობის შემსრულებელი)

გამოყენებულია კვალიფიციური ელექტრონული ხელმოწერა/ ელექტრონული შტამპი

